



Griffie ER Bonaire	
Ingek.:	JAN 29 2019
Volgnummer:	2019001051
Griffier:	Uitv.:

Moshon 2

Boneiru: 29.01.2019

Den reunion di Konseho Insular di Boneiru, fecha 29 Yanüari 2019 den sala di reunion di Passangrahan.

manita Silberie
Dra. Esther Bernabela, miembro di Frakshon di Union Patriótiko Boneriano (UPB) ta presentá un moshon ku ta sali di un prekupashon real relashoná ku e situashon tenso ku ta eksistí na pais besina, Repúblika Bolivariano de Venezuela.

KONSIDERANDO:

1. ku nos isla pa loke ta trata kontinuidat di su prosesonan ekonómiko, turístiko i kalidat di bida di su suidananon, ta kasi 100% dependiente di produktonan prosedente di Venezuela;
2. ku Venezuela ta bibando un periodo di krísis ku a originá riba área ekonómiko i despues esaki a desaroyá bira un krísis general;
3. ku e situashon awe ta di tal índole ku ta papia di un krísis humanitario i ku tin menasa di intervenshon militar;
4. ku nos posishon geográfiko ta hasi nos hopi vulnerabel, den kaso di un eskalashon militar;
5. ku ta nesesario pa nos komo representante di pueblo ta konstantemente na altura di último desaroyonan ku tin riba e tópiko aki;
6. ku e paso aki lo yuda mantené mentenan tranquil i mesora ta pone un preshon sano riba nos órganonan pa nan vigilá e situashon di forma kontinuo.

TA DISIDI:

- Pa invitá presidente di Konseho Insular, den su kalidat komo gezaghebber di Boneiru, komo e órgano responsabel pa seguridat i órden públiko, organisá reunionnan informativo di karakter struktural, i ku un frekuensha mínimo di un biaha pa luna, den kua lo informá miembronan di Konseho Insular di e desaroyonan na pais besina Venezuela i ku por ta relevante pa nos.

Ta pasa pa órden di dia.

E. Bernabela

M.D. Silberie

J.M. Raphaela

Onderhavige motie wordt unaniem aangenomen.
ER-vergadering d.d. 29 januari 2019.

Volzetter,
griffier, wrd.